

ANG YANONG LARAW SA KALUWASAN GIKAN SA LUKAS

1. Tanan kita makasasala

Lucas 5:31-32 “Ug si Jesus sa mingtubag mingon kanila: Ang mga maayog lawas wala magkinahanglan sa mananambal; kondili ang mga masakiton. Wala ako maonhi aron sa pagtawag sa mga matarung, kondili sa mga makasasala sa paghinulsol.”

Lucas 18:19 “Si Jesus mitubag kaniya, "Nganong giingnan mo man ako nga maayo? Walay bisan usa nga maayo gawas sa Dios lamang.”



Tanan kita mga makasasala

2. Adunay bayad ang sala

Lucas 16:15 “Apan si Jesus miingon kanila, "Kamo mao ang mga nagapakamatarung sa inyong kaugalingon sa atubangan sa mga tawo, apan ang Dios nahibalo sa inyong mga kasingkasing; kay ang gipakahalangdon sa mga tawo kangilaran man sa atubangan sa Dios.”

Lucas 9:5-6 Ug bisan diin gani kamo dili pagadawaton, inigpahawa ninyo sa maong lungsod, itaktak ninyo ang mga abog gikan sa inyong mga tiil ingon nga pagtutol batok kanila. Ug nanglakaw sila ug nangadto sa mga kabalangayan, ug nanagwali sa Maayong Balita ug nagpang-ayo sa mga masakiton bisan diin.

3. Si Jesus namatay ug nagbayad sa atong mga sala sa krus.

Lucas 18:13 Apan ang maniningii sa buhis nga nagatindog sa halayo dili ngani buot bisan lamang sa pagyahat sa iyang mga mata ngadto sa langit, kondili hinonoa nagapamukpok sa iyang dughan nga nagaingon: Oh, Dios! malooy ka kanako nga usa ka makasasala

Lucas 19:10 “Kay ang Anak sa Tawo mianhi sa pagpangita ug pagluwas sa nawala.”

Lucas 24:46 Dili ba kinahanglan man nga ang Cristo magaanus gayud niining mga butanga ug unya magasulod, siya sa iyang himaya?"



Si Cristo namatay alang sa mga makasasala

4. Libre nga gasa ang kaluwasan ug dili pinaagi sa maayong buhat. Dawata ang pulong sa Dios ug salig lamang kang Hesus.

Taga-Efeso 2:8-9 Kay tungod sa gracia naluwas kamo pinaagi sa pagtoo, ug kana dili gikan sa inyong kaugalingon; kini hatag sa Dios: Dili tungod sa mga buhat, aron walay bisan kinsa nga mangandak. mga

Titus 3:5 kita iyang giluwat, dili tungod sa mga binuhatan nga nahimo nato sa atong pagkamatarung, kondili tungod sa iyang kalooy, pinaagi sa paghugas sa pagkatawo pag-usab, ug sa pagkabag-o diha sa Espiritu Santo,

Acts 4:12 Ug walay kaluwasan pinaagi kang bisan kinsa pa nga lain; kay walay bisan unsa pang lain nga ngalan sa silong sa langit, nga gikahatag ngadto sa mga tawo, nga pinaagi niini maluwas kita."

5. Kinahanglan nga motu-o ka sa Gino-ong Jesus ug makabaton ikaw sa kinabuhing walay katapusan.

Lucas 13:3 Ingon ko kamo, Dili; hinonoa, gawas kon maghinulsol kamo, kamong tanan mangamatay usab sa ingon.

Lucas 18:17 "Sa pagkatinuod, magaingon ako kaninyo, nga bisan kinsa nga dili modawat sa gingharian sa Dios maingon sa dinawatan sa gamayng bata, siya dili makasulod niini."

Taga-Roma 10:9-10,13 Kay kon pinaagi sa imong baba magasugid ikaw nga si Jesus mao ang Ginoo, ug magatoo sa sulod sa imong kasingkasing nga siya gibanhaw sa Dios gikan sa mga patay, nan, maluwas ikaw. mga Kay ang tawo magatoo diha sa iyang kasingkasing aron mamatarung siya; ug siya magasugid pinaagi sa iyang baba aron maluwas siya. Kay "ang tanan nga mangaliya sa ngalan sa Ginoo maluwas."



Ibutang ang imong pagsalig kay Jesus lamang.

Oo, ingon niana lang kasayon! Dili nimo maangkon ang kapasayloan sa Dios pinaagi sa paghago alang niini. Dili nimo mabayran ang kapasayloan sa Dios.

Madawat lang nimo kini pinaagi sa pagtuo, ug pinaagi sa grasya ug kaluoy sa Dios. Kon buot mong dawaton si Jesus-Cristo ingon nga imong Manluluwas, ug kon buot kang makaangkon sa kapasayloan sa Dios, ania ang usa ka pag-ampo nga mahimo nimong iampo. Ang pagsulti niining pag-ampo o bisan unsa nga pag-ampo dili makaluwas kanimo. Ang pagsalig lang kang Jesus-Cristo maoy makahatag ug kapasayloan sa mga sala. Kining pag-ampo usa lang ka paagi aron masulti nimo sa Dios ang imong pagtuo ug pagpasalamat alang sa kapasayloan nga Iyang giandam alang kanimo.

"Ginoong Jesus,

nasayod ako nga nakasala ako Kanimo ug angayan nga silotan. Apan gikuha ni Jesus Cristo ang silot nga angay unta kanako aron nga mapasaylo ako pinaagi sa pagtuo Kaniya. Talikdan ko na ang akong mga sala ug mosalig kanimo. Daghang salamat sa Imong dako ug kahibulongan nga grasya ug pagpasaylo! Amen!"